

1 Tesalonika

Yaižézé ac.

1 ¹Paulo zéma Siliwano zéma Timoteo nenej Anutu maŋgocnina zéma Miŋ Kewunina Yesu Kristoac qeriaiguc kecanzu Tesalonika ama areŋa yandawac hénaoriŋ imi onac kiwi yomi haini hazac. Ewa hia zéma luaenéj onac muru hemac.

Tesalonika hénaoriŋ ionac ninzéj ninzéŋgina zéma hakagina.

²Nini ic tuŋ onac niŋac wamma nalé séc Anutu ewa hia ac ézéma zéwelec mianziŋ séc onac aigina zéhicŋima ³ninzéj ninzéŋginawac wawaŋ meme, zéma goi héihéiac méra baoc ai, zéma miŋ kewunina Yesu Kristoac kic hihi wamma yéwéri hénia hénia bisiqatéj wamma kecanzu imuac Anutu maŋgocninawac wésiaiguc nalé séc niŋqelianziŋ. ⁴Anutuac siŋniŋ waŋ énécmimia, ninzéj ninzéj dacmuna hécna, ini Anutunéj gési énécmiyec imi nini ninziŋ. ⁵Imi mia hénia yomuhuc niŋac; Nonac buŋa suruc hiabia imi onac muru acnec sac ménda hayec, néj kuha zéma uŋaya téréya zéma ninzéj ninzéj kuaya qeqeyaguc ha énécmiyec. Nini sugginaiguc onac niŋac wamma ic dimuhucya kerij ini eŋaoc nindaczu. ⁶Waŋu ini zéra béra yanda qeriaiguc uŋaya téréyanéj nanŋgé énécmiyu ségiségi wamma hénia ac imi késama nonac haka zéma miŋ kewuac haka méndacma wamma kecanzu. ⁷Imuac niŋ onac kekecgina iminéj Makedonia zéma Akaia ninzéj ninzéj ic ionac kicginaiguc séséc héla waŋec. ⁸Hénia imi yomuhuc; Miŋ Kewuninawac ackuazécnéj onac murunec keŋu, Makedonia zéma Akaia ama miŋina enej gezacginanéj nindacgic. Waŋu onac ninzéj ninzéŋgina Anutuac muru melemma hezac imuac buŋa surucnéj baera baera saima kendarec. Imuac mia neŋaoc, ac imuac me imuac méj zéwiŋac ménda hezac. ⁹Baera baera imuac ic embac eŋaoc imi nini onac sugginaiguc haréni enej dimuhuc nénépésigic imuac suruc zéma ini Anutu héla kic qeli kekera i welenj qemiwiŋ zé dimuhuc baniaragina wai énécmima iwac muru liliŋgéma hagic imi nénézégic nindacziŋ. ¹⁰Waŋu humuc ic ionac murunec meqelimiyeŋc Naŋa iminéj kurumeŋ igucnec mama hamac zéma imuac mambéc kecanzu

zéma nénézégic. Naŋa imi bianɣuc Anutuac qeri biriawac zéra waiyanéŋ hayu imuacnec neŋaŋ metecgé nénécmimac Yesu imi mia.

Paulonéŋ Tesalonika ama areŋa yandaiguc Miŋ kewuac ai naŋgéma meyec.

2 ¹Ninzéŋ ninzéŋ dactmuna hécnina zéma nauŋ hécnina, nenen sugcinaiguc kereŋiŋ imi héla qahac ménda waŋec imi ini eŋaoc ninzu. ²Ini ninzu ésécnec, nini walac Filipi ama areŋa yandaiguc zérabéra zéma gamu qeqe mihicŋi nénécmigic, néŋ Anutuninawac kuhanéŋ naŋgé nénécmiyu onac muru hama Anutuac buŋa suruc hiabia imi kileŋ énézédarŋi. ³Memeseli acnina imi ikoc me niniŋ biria me manam batuc igucnec hahaya qahac, ⁴néŋ Anutunéŋ ninzéŋgé nénécmima buŋa suruc hiabia imi énézéwiŋ niŋac qutuŋgé nénécmiyec. Nini ac yomuhuc zéziŋ imi baec ic ségiségi mihicŋi énécmiwiŋ zé qahac, néŋ qeri héhéŋ miŋina Anutu ségiségi mihicŋi miwiŋ zé yomuhuc zéziŋ. ⁵Nini nalé méŋac méŋ ic méŋac méŋ haléc ac me iwawai méŋac hémbaoc wamma musunina haihoturu wamma féŋgé ménda waŋ énécmianziŋ imi Anutunéŋ héiŋuc waŋ nénécmizac imi ini ninzu. ⁶Onac murunec me tosara ionac murunec, houhouyawac buŋa, baec ic méŋac murunec mepé qepési ac méŋ mihicŋiwiŋ zé, kic hihi ménda waŋanzŋi, ⁷néŋ nini onac sugcinaiguc ic gum bénzénzéŋa wamma neŋgoc merachéra namu gumu énécmianzac iminéŋ nambérac héra lolongé énécmima héwiwiŋgé énécmianzac ésécnec waŋ énécmiyiŋ. ⁸Ini wéiwéc sorocnina keczu imuac niŋac qerinanéŋ imuhuc doŋgé énécmima buŋa suruc hiabia imuacnec sac qahac, néŋ kekecnina momacnec efima wai énécmiwiŋ zé ewa hia ninziŋ. ⁹Ninzéŋ ninzéŋ dactmuna hécnina, ai kuneŋ yanda mema kuc qema kerŋiŋ imi ini niŋqelima ninzu ésécnec onac muru méŋac méŋ yéwéri ménda énécmiwiŋ zé siŋi kaiwe méraninanéŋ ai mema buŋa suruc hiabia Anutu arunec imi énézéaŋiŋ. ¹⁰Nini ninzéŋ ninzéŋ ic onac muru dimuhuc météré amuma haka dindiŋanec képésic qahac keŋha waŋiŋ imi eneŋ kicginanéŋ ninicma héiŋucnina wanzu. Waŋu Anutu i acguc imuhucyanec. ¹¹Ini ninzu ésécnec, neneŋ imi maŋgocnéŋ nambérac héra waŋ énécmianzac ésécnec eŋac eŋac waŋ énécmiyiŋ. ¹²Waŋu eŋeya héŋgaleŋ amaya zéma edamuyaiguc keremmu niŋac héihéré énécmianzac Anutu iwac ic embachéra séciguc kecmu niŋac hinocgé énécmima meme seli ac waŋ énécmima zéseli énécmiyiŋ. ¹³Waŋu nini imuac niŋ nalé séc Anutu ewa hia ac ézéanzŋi. Waŋu ini Anutuac ackuazécc nonac murunec niŋgic nalé imuaru eneŋ niŋgic ackuazécc imi ic onac ac suruc éséc ménda waŋec, néŋ Anutuac ackuazécc héla téŋgéŋ waŋu aŋgétigic. Imi hélacnec, ackuazécc iminéŋ mia ninzéŋ ninzéŋ ic embac onac ewa qeriginaiguc ai mema hezac. ¹⁴Ninzéŋ ninzéŋ dactmuna hécnina zéma nauŋ hécnina, ini Kristo Yesuac qeriaiguc

hénaorij Yuda baeciguc keczu ionac haka silic méndacma waŋgic. Héna orij imi enej Yuda ic ionac murunec zéra béra mihicŋigic ésécnec ini acguc eŋaŋ baecac ic embac ionac murunec réwéri imuhucya mihicŋigic. ¹⁵Yuda ic enej Miŋ Kewunina Yesu zéma kua meme ic unugic humudacgic. Waŋu duŋa nini nununesi waŋ nénécmima Anutu ségiségi ménda mihicŋi mima néwécgeŋa baec ic onac ségiségi mihicŋi énécmianzu. ¹⁶Waŋu ic enia ackuažéc énézéni nimma hiaruwu niŋac neuŋ héinénécmima késpedesgina toroqegic kuaya qeqeya waŋu imuac tetcgiaiguc Anutuac qeri biricnéŋ qacginaiguc mama énépésiyec.

Paulonéŋ muŋguc keŋ inicmaŋ zé niŋec.

¹⁷Ninzéŋ ninzéŋ dactuna hécnina zéma nauŋ hécnina, nini séwiguc nalé hotoŋadac wai énécmiyiŋ, waŋu qerinéŋ qahac. Nini muŋguc kic tanecgina inicbiŋ zé onac ewa siŋsiŋ hia waŋ nénécmiyu imuac wammanec wamma kecziŋ. ¹⁸Nini onacmuru hawiŋ zé waŋ nénécmiyu, hélacnec ni Paulonéŋ muŋguc muŋguc onacmuru hamaŋ zé batucgéyi. Waŋu Biria miŋinanéŋ hézicgé nénécmiyec. ¹⁹Miŋ kewunina Yesu Kristo hamaç nalé imuaru némacnéŋ neŋaŋ niŋkumu zéma ségiségi zéma ic kewuac opocnina eebipiyaguc imuac buŋa wammac? Enej imi nonacmuru imuac buŋa wanzu. ²⁰Hélacnec, enej imi nonac eebipinina zéma zézé ségiséginina wanzu.

3 ¹Imuac niŋ muŋguc mambéc waŋbipiwiŋac séc qahac waŋu, tosara nini niŋni sécgéyu neŋacnec you Aten ama areŋa yandaiguc kecziŋ. ²Kecma Kristoac buŋa suruc hiabiawac wamma Anutuac ai ic keczac ninzéŋ ninzéŋ dactunanina Timoteo i onacmuru méliziŋ. Imi mia meseli énécmima onac ninzéŋ ninzéŋginawac wamma qerigina zéhiaru énécmiyu ³méŋnéŋ méŋ zérabéra hénia hénia qeriaiguc keŋqe haqe ménda wammu niŋac méliziŋ. Waŋu neŋaŋ imi réwéri imuhucya mihicŋiwiŋ niŋac nonoporec imi mia eŋaoc ninzu. ⁴Nini iniguc momacnec kerij nalé imuaru kecma réwéri mihicŋiwiŋ imuac mia walac énézéyiŋ. Waŋu hélacnec imuhuc hicŋiyec imi ini ninzu. ⁵Imuac ni acguc muŋguc méŋ mambéc waŋbipimaŋac séc qahac waŋu, ninzéŋ ninzéŋgina imi hémma nimmaŋ zé i méliyi. Imi mia héna imuhuc me imuhuc ala batuc miŋinanéŋ ala batuc waŋ énécmiyu ai kuneŋ meyiŋ imi héla qahac wambac niŋac.

Timoteonéŋ Tesalonika hénaorij ionac hakagina qacguc imuac suruc Paulo ézéyec.

⁶Waŋu degucmi Timoteonéŋ onac murunec liliŋgéma hama onac ninzéŋ ninzéŋgina zéma goi héihéi onac muru hezac imuac suruc zézé ségiségiyaguc nénézéyu niŋiŋ. Waŋu zéyecnéŋ ini imi neneŋ onac niŋ waŋanziŋ ésécnec nalé séc niniŋ qeli qelinec niŋsoroc waŋ nénécmima

qerigina waizalaŋ wamma ninicbiŋ zé wamma keczu imuhuc zéyu ninziŋ. ⁷Ninzéŋ ninzéŋ dacmuna hécnina zéma nauŋ hécnina, imuac niŋac zéra waiya zéma nununesiiguc kecziŋ, néŋ ninzéŋ ninzéŋgina néŋ meseli nénécmizac. ⁸Ini Miŋ Kewuninawac qeriaiguc imuhuc naŋselima keczu imuac niŋac nini niŋni degucmi kekecnina kecziŋ imi hélaguc wanzac. ⁹Neneŋ neŋaŋ Anutuac wésiaiguc onac niŋ wamma ségiségi yanda mihiçiziŋ. Imuac mia onac niŋ wamma imuac tasiawac ewa hia dimuhucyanéŋ Anutu melenŋ mini sécgémac zéma niŋanziŋ. ¹⁰Waŋu siŋi kaiwe séc onac kic tanecgina muŋguc inicma onac ninzéŋ ninzéŋgina séha ménda he énécmizac imi mesolaŋaniwiŋ zé qerininanéŋ hélawac zéwelec wanziŋ.

¹¹Deguc Anutu maŋgocnina eŋeyaoc zéma Miŋ Kewunina Yesunéŋ onacmuru keŋkeŋawac hénanina nénézéyic hémbiŋ zé ninziŋ. ¹²Waŋu Miŋ Kewuninanéŋ goi héihéigina mesai énécmiyu neneŋ goi héihéi waŋ énécmianziŋ éséc nec eŋaŋ suginaiguc zéma tosara ionac muru sécgé énécmima qesalecgé énécmimac. ¹³Waŋu inéŋ qerigina meseli énécmiyu neŋaŋ Miŋ Kewunina Yesunéŋ eŋeya ic embachéra téréya iniguc mama hamac nalé imuaru, Anutu maŋgocninawac wésiaiguc képésic solanŋ téréyanec nammu niŋac wanziŋ.

Kekec Anutunéŋ héŋu sécgéanzac imuhucya.

4 ¹Tetecgiaguc, ninzéŋ ninzéŋ dacmuna hécnina zéma nauŋ hécnina, nini Miŋ Kewunina Yesuac qeriaiguc welec énécmima zéhinocgé énécmiziŋ. Ini nonac murunec ackuažéc megic éséc nec tohomuac hezac séc niŋtoho wamma ini deguc waŋanžu imi muŋguc yanda ogicma wamma Anutu ségiségi mihiçi mimu. ²Nini Miŋ Kewunina Yesuac murunec néma pakeŋ ac énézéyiŋ imi ini ninzu. ³Anutuac ewa siŋ imi mia onac kekec téréya, imi mia kaisero waima ⁴eŋac eŋac imi eŋeya iniŋa imi météré amuma eeya héima memacac hezac imi niŋtegiçmac. ⁵Ic enia Anutu ménda ninzu ieneŋ kaiseroac siŋ tohoanžu éséc nec méŋnéŋ méŋ héna imi ménda méndacma ⁶haka imuhucyaiguc neŋa ménda logima ninzéŋ ninzéŋ dacmuna méŋ me nauŋhéra ionarunec méŋ ménda mebirimac. Némac niŋ, bec nec énézéma zéselima zéseli énécmiyiŋ éséc nec haka biria imuac tasé kuku miŋina imi Anutu wanzac imuac mia imuhuc énézézu. ⁷Anutunéŋ nini qakolaninaguc wambiŋ niŋac qahac, néŋ kekec téréya kecbiŋ niŋac héihéré nénécmiyec. ⁸Imuac héna yomi qetalizac imi ic méŋ qahac, néŋ Uŋa Téréya énécmiyec Anutu iwac mia qetalizac.

⁹Ini imi Anutunéŋ ku énécmiyu goi héihéi waŋamuangu imuac niŋ dacmuna hécgina zéma nauŋ hécgina goi héihéi waŋ énécmimu niŋac ac méŋ ménda oénécmiwiŋ. ¹⁰Hélac nec, eneŋ imi Makedonia baec séc ninzéŋ ninzéŋ dacmuna hécgina keczu ionac goi héihéi waŋ énécmianžu.

Waju ala sorochécna imuhucyanec muṅguc muṅguc wammu niṅac zénaṅgé énécmima zéziṅ. ¹¹Waju zéseli énécmiyiṅ ésécnec hétéṅ waima bénzériṅ kecbiṅ zé seliseli wamma eṅaṅ aiginawac niṅkumuma méraginanéṅ aigina mema kecmu. ¹²Imi mia ic enia ionac kicginaiguc hakagina eeyaguc wamma kecma iwawai méṅ niṅac mété qététaṅ ménda wamma kecmu niṅac imuhuc zézua.

**Miṅ kewuac hahayawac zéréṅ
qéréṅ wamma kecmu.**

¹³Ninziṅ niṅziṅ dacmuna hécnina, eneṅ ic humumia ionac hénia imi ménda nimma eṅ kecmu niṅac ménda waṅ nénécmizac. Niṅkumugina qahac kecanzu ésécnec zésiāc wambu niṅac. ¹⁴Neṅaṅ Yesu humuma muṅguc yarec imi ninziṅ géziṅiguc yomuhuc nimbiṅ; Anutunéṅ Yesuac qeriaiguc gau yanda hema keczu imi Yesuac qaraiguc muṅguc onagiru hadacmu.

¹⁵Nini Miṅ Kewuninawac ackuažéc méndacma ac yomi énézéziṅ. Miṅ Kewunina hamaciguc kic qelinec kecziṅ neṅaṅ imi gau yanda hema keczu i méndagucnec onogicbiṅ. ¹⁶Miṅ kewunéṅ zézé seli acwac qac qac yanda zéma kua meme uṅa orucgina méṅac ewa hétéṅ zéma Anutuac témuṅ imuac hétéṅaguc kurumeṅ igucnec mama ou kurumeṅ géllélécyaiṅ nammac. Naṅu kirisitoac qeriaiguc walac humugic ieneṅ walac yacmu. ¹⁷Imuac andiaiguc neṅaṅ kic qeli kekera acguc iniguc momacnec nénépésima hosusu qeriaiguc meeṅu géllélécyaiṅ Miṅ Kewunina mihiçwiṅ. Waju nalé séc Miṅ Kewuninaguc momacnec kecbiṅ. ¹⁸Imuac ac sasala yomuhuc zéma meseli amumu.

5 ¹Ninziṅ niṅziṅ dacmuna hécnina, Yesu hahayawac naléya zéma yawuṅawac oénécmiwiṅac ménda hezac. ²Imi mia Miṅ Kewuninawac naléya imi siṅiyaiguc kowu nene ic ésécnec hamac imi eṅaoc niṅhumuzu imuac mia. ³Ic eneṅ luaeninaguc, saiwaninaguc zémanec kecgic nalé imuaru embac hériyaguc aṅi kikiac qenzeṅ manzeṅnéṅ hosucgéanzac ésécnec kisikiyoṅnéṅ fuknec haénécmiyu kileṅdac néṅgacmuac séc qahac wammac. ⁴Ninziṅ niṅziṅ dacmuna hécnina, ini siṅi tunumaṅiguc ménda keczu imuac nalé imi kowu nene ésécnec ménda haénécmimac. ⁵Ini moczoṅ asac mararaṅac nambérac héra, kaiweac nambérac héra, imuac neṅaṅ imi siṅi me tunumaṅiguc ménda toroqema kecziṅ. ⁶Imuac neṅaṅ imi ic tosara ésécnec gau ménda hema zenzeṅ qeli qeli kecma galeṅ mema séwininawac siṅ imi zikima kecbiṅ. ⁷Gau heanzu imi eneṅ siṅiyaguc heanzu. Doku selia nema miṅgoṅ waṅanzu imi eneṅ siṅiyaguc miṅgoṅ waṅanzu. ⁸Neṅaṅ imi kaiweiguc toroqema kecziṅ imuac séwiac siṅ sigima ninziṅ niṅziṅ zéma goi héihéinéṅ tétécac saiwa ésécnec haima aṅgéṅ titiac niṅkumunéṅ yaréac opoc ésécnec orucninaiguc héima kecbiṅ. ⁹Anutunéṅ eṅeya qeri

biricayaiguc kerembiŋ niŋac qahac, néŋ neŋaŋ Miŋ Kewunina Yesu Kristoac murunec aŋgéné titi mihicŋiwiŋ niŋac gési nénécmiyec. ¹⁰Yesu imi neŋaŋ kic qeliiguc me gauiguc eŋeyaguc momacnec qeliqeli kecbiŋ niŋac nonac niŋ wamma humuyec. ¹¹Imuac niŋac ini waŋaŋzu ésécnec eŋac eŋac meseli amuma naŋgé amumu.

**Tetecgiawac pakeŋ ac zéma
yaižézé ac.**

¹²Ninžéŋ ninžéŋ dacmuna hécnina, neneŋ zéwelec énécmiziŋ. Sucginaiguc kuc qema ai mema Miŋ Kewunina qeriaiguc galeŋgé énécmima zénaŋgé énécmianzu ionac niŋgic kuneŋ yanda eeginaguc wammac. ¹³Waŋu ionac aigina niŋac goi héihéiiguc eeya ogicogira héiéénécmimu. Imuhuc wamma sucginaiguc luae qema kecmu. ¹⁴Waŋu ninžéŋ ninžéŋ dacmuna hécnina, meseli énécmiziŋ. Qéižéŋ wamma kecaŋzu i ackuažéc ku énécmigic, waŋu ewagina ménda naŋselima keczu i meseli énécmigic. Waŋu qeka meka wanzu i naŋgé énécmima ic embac hénia hénia imuhucya moczoŋ bisiqatéŋ waŋ énécmima kecmu. ¹⁵Galeŋ megic, méŋnéŋ méŋ ic méŋac méŋ haka biriawac tasé kuku wammiwac niŋac. Néŋ eŋac eŋac me ic tosara moczoŋ ionac nalé séc haka hiabiawac waŋ énécmima kecmu.

¹⁶Nalé séc ségiségi wammu. ¹⁷Žéŋgé toroya qahac zéwelec wammu. ¹⁸Haka hénia hénia hicŋi énécmianzac séc Anutu ewa hia ac ézému. Iminéŋ mia Anutuac ewa siŋ Kristo Yesuac qeriaiguc onac buŋa heheya wanzac. ¹⁹Uŋa téréyawac geric ménda qéwécgému. ²⁰Anutuac bianac ara imi mema titi ménda wammu. ²¹Haka hénia héniaiguc niŋgésima haka hiabiawac késa aŋgéné tima wammu. ²²Haka tanera biria imuac me imuac héŋara mema qerictegic amuma kecmu.

²³Anutu luae miŋina eŋeyaoc solaŋanec météré énécmima onac qeri uŋagina zéma ewa siŋgina zéma séwigina moczoŋ galeŋgé énécmima keru Miŋ Kewunina Yesu Kristo mama hamac nalé imuaru kápésic qahac solaŋanec kecmu. ²⁴Héihéré énécmizac inéŋ méŋžé méŋžéya qahac imuac niŋac inéŋ imi moczoŋ wandacmac.

²⁵Ninžéŋ ninžéŋ dacmuna hécnina, nonac niŋac wamma zéwelec wammu.

²⁶Kiricne qiricne téréya waŋ énécmima ninžéŋ ninžéŋ dacmuna hécnina moczoŋ yaižézégina énéžégic nimmu. ²⁷Ni Miŋ Kewuac qaraiguc zéseli énécmizua. Ini kiwi yomi ninžéŋ ninžéŋ dacmuna hécnina moczoŋ oloŋ énécmigic nindacmu.

²⁸Miŋ Kewunina Yesu Kristoac ewa hianéŋ onac muru hemac.